

NÛŞTÎŞÎ MA SER

Gelê şarî ma, şîma zî zon ma hema newe destpêkerd in kari xû. Ez texmîn kena şîma zafî vonî inî merdûmon yo rojname vet la hema înan çî qeydî nûşt. Eg yew zon hetanî êr(ewro) zaf nêamo nûştîşî û yew standartî ay çîniya, o zon ser epey meselê virazîyêna.

Herkês von çî ra înan zê ma nînuşt yahût von înan xeletî nûşt yanî herkês ce xû ra qisey kên. Ma nêvanî şîma nêhaq ma vonî haqî şîma piyerûn esto zonî xû ser qisey vajî.

La hema ma sebik yew standartî ma çîniya Ma zê Boglon binûs ay Darayênî nêwazên, ma zê Darayênî binûs ay î Çewlîg nêwazên welhasil herkes von wa îni gûrî zê ma bib feqet hina nêbeno.

Ma gerek yew standartî viraz. Îna standartî ser Komê Vate zaf xebitîyên la hema inon z' tom nêviraşta. Ma z' qayilîb wa yew standartî ma bibên û wa şarî ma nûştônî ma piyerûn fom bikêr la hema ma sebik destî ma ra taba nêyen. Ma şîma piyerûn ra helalî wazên eg yew xeteyê ma esta haq xû helal bikerên.

Rojnameyê



ZAZAKÎ

Bîwênên, Bînusên, Bîmusên, Bîmusnên

Tişrin vêrin (Ekim) 2013

Hûmare: 1

Vaya / Fiyat: 1 TL

MERHABA ŞARÎ ÇEWLÎG



Bi îznî Home ma êr(ewro) destpêkerd zazakî rojnameyê xu. Şîma zî zon zazakî raporon UNESCO di zonîg ha mirên miyon înonda. Bajarê Çewlîg û qezon yîd zafî rojnameyê(gazete) tirkî vejîyenî. Hema ju'yo rojnameya zazakî nêvejîyena. Ina rêya kotişî ma qê ina kêmasî têki wedarayîş raw. Ina rêyayî madi xelek kemîye ma qusurê ma beno ke xura ma zê semê ina kemasî ra kot rêya.

Ma ina xebatê xu di şîma zê kişte xu d' wazênî. Bîyerê, piyeru piya in zonê xurî yo nefes bên. Wa zonê ma bicuyîw û ma zê bicuyî.

ROJNAMEYO VÊRIN BÊ "RENÇBER EZİZ" NÊBENO



Ma êr(ewro) destpêkerdo ina xebatê rojnamê, ma vatê ina xebatê rojnameyê zazakî ya vêrin bê Rençber nêbena.

Înay ra ma ina rojname dê wêşiye (hayat) Êziz kilm guretu qelem.

Mîletê ma, mîletê ma Dînya d' yo darê ma çîn ya

Êziz ina dina (dînya) di yo darê ma vo ina dar xu wirra mekerên.

➡ 3

ÇEWLÎG DESTPÊKERDO WEÇINATÎ (SEÇİM)



Seçimî(weçinatî) 2014 biyo nîzdî. Şarî çewlîg û verendam (aday) çewlîg epey gûrî seçim ser xebitîyên. Herkês von wa vernamzed (aday adayî) ma bi vejî yî.

➡ 2

Heq ponçîyes serra dima newi ami



Tiyara 15 serr ver 17 nisane 1999'id Darayênî di ap(dad) û birarza Mehmet Eliveren(19) û Yılmaz Eliveren(17) pê dest polîson amêb kiştiş.

➡ 3

Pîxeriyon dû gûrêt



➡ 2

Meselêyê

Azaxpert(Adaklı) meclîsî dê



➡ 4

Çewlîg, her çeşit xizmet dî

➡ 3



Rojnameyo vêrin sêr

Ma erî destpêkerdo rojnameyê xû verîn. Ma inî rojnameyê xû sêr û zonî(zîwan) xû sêr çend qalon vajî. Şîma zî zanî, zonî ma, ma rê yo rāhmetê Home'yo. Ma zî vanî ma in rahmetê Homa'yi xû rê yew xebatek bikerî ma in cûra destpêkerdo xebatê rojnameyê xû verîn. Hêta ma bişk ma in xebatê xû dewom kênî. Ma vano ma şarî Çewlîg ir pê zonî kîrdkî (zazakî, kîrmanckî, dimilkî) rojnamê vecî. Ma kot hîna yew rêya, ma zanî in rêyêka meşeqqata, derga, zahmet û rêyêka telêyîna. Ma inî gûrîyon piyerûn zanî, xûra ma zî vonî "bê zâhmet rāhmet" nêbeno. Ma herkês cê xûra şûxûlîyên, têkî rojnamê, têkî kovar(dergi) têkîzê kitabon vecên. Kamû qey zanê xû xêbatkeno Homa ey ra razîbû. Eg ma herkês cê xû ra nişuxulî Homa in rāhmetê xû yanî zonî ma ma ra geno, qicon(tût, hûl, doman, qji) ma ra geno, tûêron ma ra genû. Welhasil niyetê ma rāhmetê Homa'yi xû yanî zonê xû xelîsnayîş û.

Ma erî Çewlîg dê kam ra persbikêr ya zazakî (kîrdkî, dimilkî, kîrmanckî) ya z' kûrmancî zanû la hema tî vajî rê in pelê zazakî yahût kûrmancî bîwenên ço nîzano bîwonû. Şarî bîn zonî xû dê pê milyonan, milyaron kitap nûştî la hema zonî mad hatta êr 100 kitap ya est ya çin î. Zon tēna pê hûkmat û pê enstîtuyon nêşken xû bîxelîsin zon pê çihîyon, comêrdon, qicon,pilon

yanî pê qisêkerdîş, nûştîş û wendîş êşken xû bîxelîsh. Şîma şarî kîrdon (zazê, dimilkî, kîrmanckî, kûrmancî) hîn çendêk dest şîma ra yena hîndek zonî xû qisebikên, bîwonên, bîhûsên, bîmûsên û bîmûsnên.

Yew vatê vêrînon ma esto vanî "Veywîradîm def nişen." Ma zî vanî hema veywê ma nêqedîyaw ma hema newî destpêkerd veywê xû. Wa emser bib veywê zonî ma.

Ma vanî êy şarî Çewlîg eg ma wayêr zonê xû nîvejî zonî ma mirêno. Sîba qic ma benî pîl vajî dayê, bawo şîma zonî ma caverdo? Şîma a hâl sekênî? Yan zî rojêk şîmara pers bikêr vajî dayê, bawo sîba merg esto ma karê berkolê mezêl (gor) şîma pê koncî zon bîhûs? Şîma û waxt sekênî?

Ma êr tîyara veng don şîma êy şarî Çewlîg bîyerên hema wext ma esto ma hema cîwîyên(cûyên) wa zonî ma z' hatta pêni bicûyîw.



Şênayîye zonê (zîwan) zazakî biyo

Çewlîg dî şênayîye zonê zazakî biyo. Dernekê Zon, Kamîye (kûltûr) û Tarîxî Zazakî, İstanbûl Zaza-Der û Alamanya ra Zaza Gemein de in Deütscian tîye dir in şênayî organize kerdo.

Şarî Çewlîg şî in şênayîye Zazakî. In şênayî di zazakî kitab, kovar (dergi) û rojnamê rûeşîyê. Şênayî dî hûnermendê(sanatçi) Çewlîg zafî deyir û lawik vatî.

Çewlîg dî hîna yo şênayî newî bî. Şênayî di zazakî ser inî qisey amê vatîş. Zazê rêngî in welatî, wa zazakî vîn nêbû, wa zazakî radio û TV bîvejîw û vatê wa in şênayîye zazakî her serr vîrazîyo. Eg ma wayêr zonê xû nêvejî zonê ma û dînyê ma pîya benî vîn.



ÇEWLİG DESTPÊKERDO WEÇINATI (SEÇİM)



Seçimî(weçinatî) 2014 biyo nîzdî Şarî çewlîg û verendam (aday) çewlîg epey gûrî seçim ser xebîtîyên. Herkês von wa vernamzed (aday adayı) ma bî vejî yî. Ti onîyên rojnameyonî ra kam yo zerrê yî qey namzedî est inon piyerûn rûeşon şarî Çewlîg kerdo bimbarêk ma zî von Homa xêrî şîma piyerûn qebûl biker.

Inî gûrî vèrnî her weçinatî dî(seçim) benî kom yo zerrê yî bib se qey namzedî mihaqqaq yo cadî nişonî xû don vonû gelo banên ez ha tîya da. In gûrî tim û tim benî ma zî zaf derg nêkên ma von kom yo şarî Çewlîg ir hol kom yo niyetê yî tènê zaf xîzmetî wa û kom yo niyetê yî tènê xalîs a wa û bîvejî yo.

Pîxerîyon dû gûrêt

Emserr zîmîston lez amî zê serron bînan. Hema payîz nêqedîya zîmîston amî verî bêr. Şarî ma çewlîg nîmo zafî hema xû r' tedarekî zîmîston nêdîyo. La tî wext bîanî pîxerîyon ra tî hin zon zîmîston amo. Çûnkî hin hin pîxerî ma dû kên. Ma tîyara şarî xû ra vonî şîma pîxerîyonî xû pak kerî hema newî sobonî xû û qazononî xû dekêr. Eg şîma pîxerîyonî xû pak nikêr se hol dûmon nêoncên û şîma tengzar kênî.



Qezayê çarin: Kiği

Kiği bidewon ra tîyedir 438 km² ardî serawa. Çewlîgra 75 km dînyîya. . Nûfûs qeza dewon dir tîyedir 6-7 hezar ten esto. Inonra 2-3 hezar tèn qezadê, yî bîn dewon dê. Qezadi 28 dew û 71 mezrê estî.

Qezayê poncin: Boglon(Solhan)

Boglon bidewon ra tîyedir 1114 km² ardî serawa. Çewlîg ra 48 km dînyîya. Nûfûs qeza dewondir tîyedir 35-36 hezar ten esto. Inonra 19-20 hezar tèn qezadê, yî bîn dewondê. Qezadi 27 dew û 113 mezrê estî.

Qezayê şeşin: Holhol (Yayladere)

Holhol bidewon ra tîyedir 419 km² ardî serawa. Çewlîg ra 110 km dînyîya. . Nûfûs qeza dewondir tîyedir 3-4 hezar ten esto. Inonra nîzdî 2 hezar tèn qezadê, yî bîn dewondê. Qezadi 20 dew û 80 mezrê estî.

Qezayê howtin: Çêrme (Yedîsû)

Çêrme bidewon ra tîyedir 426 km² ardî serawa. Çewlîg ra 124 km dînyîya. Nûfûs qeza dewondir tîyedir 2-3 hezar ten esto. Inonra nîzdî 2 hezar tèn qezadê, yî bîn dewondê.

Dîyarê xû bişinasnên

Çewlîg

Cîronê şîndorê Çewlîg dî Rojavadî Mûş, Vakûr dî Erzingan û Erzurûm, Rojawan id Dersîm û Xarpet, Başûr dî Amed estê. Şarî Çewlîg zafî zazakî û kûrmancî qisekênî. Çewlîg di bîye inon Tirkî yena qisekerdîş.

Çewlîg hout Qezonra yeno pîeser.

Qezaya verîn: Azakpert (Adakli)

Qeza bidewon ra tîyedir 879 km² ardî serawa. Çewlîg ra 66 km dînyîya. Qezadi 35 dew û 75 mezrê estî.

Qezayê diyîn: Darayênî (Geng)

Darayênî bidewon ra tîyedir 1646 km² ard serawa. Çewlîg ra 20 km dînyîya. Qezadi 62 dew û 243 mezrê estî.

Qezayê hîrin: Kanîrêş (Kartova)

Kanîrêş bidewon ra tîyedir 1392 km² ard serawa. Çewlîg ra 70 km dînyîya. Nûfûs qeza dewondir tîyedir 32-35 hezar ten esto. Inonra 8-9 hezar tèn qezadê, yî bîn dewon dê.

ezo bira ezo bira çirêy nîşin ti mavîra



Rençber Ezîz, 1955 di Çewlîg di dewa Wûsfan di amo rîye dûnya. I serronid jûlîyo nêwêşîya giron pêyda bena. İna nêwêşî ra zafî tîni çimon ra şîni. Rençber EZİZ iz ina nêwêşîra dima çimon ra benû Ezîz 1-2-3 serron di destpêkên lawikon. 17 serron di şîno İstanbûl. Ûca di merdûmonêko zê xû ama şînasnêno. İnon dir destpêkêno zanaatî mûzîk(qeydê). Ezîz meselêyîkê dormaliyî dê yanî siyaset û zonî ser zaf hayîk beno. İnon ser kilamon vano. İnay ser garê Ezîz beno. Ezîz donî mahkema 7 aşm û 9 roj zîndan di moneno. Waxtakî zîndanî ra vejyeno remeno şîno Alamanya. Ûca di İltîca keno û nasnamê/kîmlîkê Alamanya geno. Ûcadî meselonî Tirkîya sêr Kirdkî, Tirkî kilamon vano. Alamanya di bantê kilamon xû vêrîn "Hasreta Azadî" vêjeno. İn bantêdi meseleyî Tirkîya ser kilamon vano Ezîz.

Ezo bîra! Ezo bîra!
Ezo bîra! Ezo bîra!
Çîrey nîşin ti ma vîr a
Ezo bîra! Ezo bîra!

Wextî g' bîra tû da rawo
Tû qey ma ra çî nêwawo
Ti nîmtîk şî Almanyawo
Ezo bîra! Ezo bîra!
Ezo bîra! Ezo bîra!
Çîrey nîşin ti ma vîr a

Ayê şar şîn Alamûnî
Geyrên awo hûnê yenî
Ezo bîra tî qey nêni?
Ezo bîra! Ezo bîra!
Tî yo hew şî tî hîn nêni
Ezo bîra! Ezo bîra!

Pîyorê dînya r' bant dekeno
Wayon xû xûvîr a keno
Ma nêzûn Ez ho se keno
Ezo bîra! Ezo bîra!
Ma nêzûn Ez ho se keno
Ezo bîra! Ezo bîra!

Wextîg' tîrûn yena Mûşî
Ezo bîra tîz çînîşî
Bîye Çolîg îd ma het rûeşî
Bîra Ezo, Ezo bîra!
Çolîg îd vînd, ma het rûeşî
Bîra Ezo, Ezo bîra!
Çîrey nîşin ti ma vîr a
.....

İn bantê kilamonra dima nêyar Ezîz tenê benî zaf û kom nîzano çîqe di bînaû berzra ginonû warro, şîno rahmet. Ezîz wasiyetê xûdi vatû sêrî berkolê mi di in qîsêmi binûsen. " Ya rêwon vînde. Mi 32 serr roşniyê nîdîya, qîymetî roşniye bizonê" Homa cê î cennet bikîrû.

Ma wext derhaq Rençber Ezîz di oniyên kîtabon ra kîtabî Doğan KARASÛ di rîportaj babî Ezîz di hina yo qîsêk vîyertên ra babî Ezîz vatên " Ez hema Ezîz xû honon xû dî vînena" ina qal zaf zerrê mi vêşna. Homa dêrd ewlat nêmuêcîn yew dadî û babî.

KIRDKÎ SER

Kirdkî biwanî û bîmusî û bîmusî û bîmusî. Kirdkî zîwanê ma yo. zîwanê babî û kalê ma yo. Zîwanê ma kamîya ma yo, zîwanê ma nasnameya ma yo. zîwanê ma fikirê ma yo. bê zîwan cu nêbeno.

Zîwanê ma zîwanê hînd û Ewropa yo. Zîwanê ma bi hîris û yew herfan nusîyeno. Zîwanê ma de ca ca piyaveng zî esto. Zîwanê ma bi çar zaravayan o. Kirmanckî û kurmanckî û kurmanckîya cerin û goranî. Zaravayên zîwanê ma ra tewr kan kirmanckî(zazakî) ya. Mêjûyê zîwanê ma heta İsayî ra ver panç sey seran ra destpêkeno. Demê Medan de pê zîwanê ma karardo. Mêjû de gelek cayan de zîwanê nêzdîyê zîwanê ma berhemî estî.

Çewlîg, her çeşit xizmet di

Serek beledîye Serdar Atalay va "Rûejî g' ma vazîfe gûret Çewlîg ma çarna şartîya. Viraştê bin erd û ser erd,rastkerdişo derdomalê camîyon gorîstanon/mezelon,parkon,bahçê wendegahon/mektebon, tesîsa eşteyo wûşk ig depo kên(Katî atik depolama tesîsî), Tesîsa awa eşte sefîhên(Atik su artma tesîsî), nome bi tirkî ya "kentsel dönüşüm" ser ma xebat kerd Çewlîg zere çar ser dê her çeşid xizmet di.

Problemi g' dormale çewlîg di bi ma inin ra qedey/xelîsiyay

Serek îfadê xû di va Çewlîg problemon dormalê ra qedaya"Çoras serro eşte qanalîzasyonon şînen deron û deşton. Ma sayê tesîsa awka eşteya sefîhayîş (Su artma tesîsî) dê ma ta de awk sefîna û awka temîz ma verda deşton û deron.

Çewlîg daha zaf qey sermayegozarê re xû pere beledîyeyê Çewlîg ra gûret, Atalay inin ard ma vîr û dima va:"İna xebata g' ma ha ken rûej ig ome qeda o wext Çewlîg, tam bîna yew bajara vizyonin. Heton inkey malîyet inî guron 175 milyon TL o.

Heq ponciyes Serra dima newi ami

Tîyara 15 serr ver 17 nisane 1999'id Darayênî di ap(dad) û biraza Mehmet Eliveren(19) û Yılmaz Eliveren(17) pê dest polîson amê kîştîş. 28 nisane 1999'id sawciyi(doşger) darayênî vat in ap û biraza wext amê kîştîş in ser yo/ju keleş û di heb bumbê amê depîştîş. Sawci(doşger) pê ina îtirayê polîson ap û birazêr dawa kerdib a.

O wextiz şarî Darayênî û şarî Çewlîg piyerun zonên ina raşt nêwa. Hemi kês zonên karê(gurî) in merdumon keleş û bumbon dir çînî wo. Feqet hûkmat hema newi haq in merdumon teslîm wayêron kerd. Doşgerîyê(savcılık) Diyarbekir ina dawa newi kerd a vat polîson nêhaqî ra qic(hûl, domain) şîma kîşt û polîsonir muebbet hepis(hapis) waşt.



WEŞÎ- NÊWEŞÎ

Diştarî(grip/nezle)

Diştarî ra xû bi pawen. Payîz ame û zimistonîzî ver berdo. Wextî g' serd yen xû d' en zaf nêweşîyê diştarî ano.Şîma xû diştarî ra çî qedî pawên? Ma qey diştarî doxtoron dir qîsey kerd ma va îlaç ina diştar çîraw û ma xû çî qedî/senî diştarî ra bipaw?



- 1-En vernî d' wa honî şîma dûzîb. Wa wext rakotîş û wirîştîş şîma belûb.
- 2-Zaf diçqetî werdiş xû bikerên û wa saatê cêm şîma belûb.
- 3-Mirdê xû çîwo awin biwerên.
- 4-Zaf zaf fîyêk(meyvî) biwerên
- 5-Bîhe xû hîrakên û stres ra dîr şîyerên.

Nameyê Hetan (Cihetan)

- | | |
|-------------------|------------------------------|
| 1-Rojhelat : Doğu | 5-Başûrê rojhelaî :Güneydoğu |
| 2-Rojawan : Batı | 6-Başûrê rojawanî :Güneybatı |
| 3-Vakûr : Kuzey | 7-Vakûrê rojhelaî :Kuzeydoğu |
| 4-Başûr : Güney | 8-Vakûrê rojawanî :Kuzeybatı |



Ma pey Alfabeya Destpêkir

a, b, c, ç, d, e, ê, f, g, h, i, î, j, k, l, m, n, o, p, q, r, s, ş, t, u, û, v, w, x, y, z

A, B, C, Ç, D, E, Ê, F, G, H, I, Î, J, K, L
M, N, O, P, Q, R, S, Ş, T, U, Ü, V, W, X, Y, Z

Yew eser ig o wext yena meydon raşt destpêkerdiş zaf muhîm o. Ma ini rojname dê alfabeya Kûrdî şuxulneyn. Qey alfabe ya Kurdî yo? Ma sebêb yî z' vac. Heton inkey edebîyatê maya klasik (mewlîd û sanik/meseley) o wext pey ini alfabe latînzê bî, yew zî seg şîma zî zonê ini peyra, pêr Grûba Xebat ra yew edebîyata modern amey meydon, ma wazên wendox ma senî enî rojname wonên la edebîyata modern zî ona biwon û binus.

Ini alfabe, 23 bêveng (b, c, ç, d, f, g, h, j, k, l, m, n, p, q, r, s, ş, t, v, w, x, y, z) û 8 vengin (a, e, ê, î, û, ü, o) ra amo meydon.

Ferq ma û Alfabe Tirkî

Ziwon/Zon Tirkî d' Ziwon/Zon Zazakî/Kirdkî/Dimilî û Kîrmanckî d'

İ,ı	vîraz	İ,ı	vîraz
İ,ı	Mîraz	İ,ı	Mîraz
Ü,ü	şûxulnayiş	U,u	Şuxulnayiş
U,u	gurur	Ü,ü	gûrûr
V,v	vare	W,w	ware
H,h	hatir	X,x	xatir (Zey herfê "ha" Erebkî qirik ra vacina)
K,k	kabul	Q,q	qabul Zey "qaf" ê Erebkî ya

Bê înan mesela tirkî "ğ, ö, ü, j" ini herf alfabe yê kûrdî de nişuxlîn. Inkey veng barî yen ma gueson qey ina alfabe? Yew zî ini keyn ig ma kurmonckir. Şîma zonî alfabe aslê xû de çîyo sembolik o. Eger millet pey alfabetomênen bedelnayiş ma, tirk kurd, faris û heme millêt gereka heton nikay 'Ereb bibeyn. Çünke 600 ser Osmanî alfabe yê Ereb şuxulna lakin çö Ereb nîbi. Yan zî bîyo çend sero ma ha alfabe latînon şuxulneyn ma herhalde latîn nîbîyê. Pekî qey ini alfabe? Seg ma va edebîyata modern id zafî nuştox pey ini alfabe nuseyn, ma wazên wendox ma z' bişk ini alfabe fehm bikir û biwon û binus. Senî g' ma va alfabe

yew qutsal çî'emîn nîyo. Faqat ma newe yew kaos daha miyar binate. Yanî çö alfabet ser ra siyaset mekir. Eg ma wazên edebîyata modern ra yew hikaye yew roman yan z' yew xeber biwon gereka ma ini alfabe bizon. Seg ma ha ina xebat onî meydon armanc ma pil zazakî/kirdkî daha zîd biyer wendiş û nuştîş. Qey ineya z' ma yew mahallî rojname destpêkerd. UNESCO ke vona Zazakî zerê poncas ser id bena vîn. Ma z' kenî ina tîz puçkir yan zî ini tarîx zaf berz tepa. Tabî inkey mahallî yo lakin zerê wext id ma destra biyer ma z' yîh standart ser. Çünke binate d' yew xebata pil esta. Ma gerek eta dê yew pirdib. Niyet ma xalîs ma kewt rayer ma quwê tûz şîma ra gîn.

Meselêyê Azaxpert (Adaklı) meclisi da

Pirsgireki Azaxpert hewilnayı meclis wekilê Çewlig û serekwekilê Partiya Aşti û Demoqrasi (BDP) İdris Baluken, xizmeti ke qezaya Azaxpert de nêameyi ca, semedê inan yo/yew peşniyaza qanuni (soru önergesi) da û va: wa serok wezir Recep Tayyip Erdogan cevap biko.

FERHENGK/ÇEKU



Çeku: sözcük
Ciwiyayiş: yaşamak
Destpêkerdi: başlamak
Gel(o): halk
Hêvi: umut
Kovar: dergi
Pîya: birliktelik
Rojname: gazete
Şindor: sınır
Namzed: aday
Vernamzed: aday aday
Weçinatî: seçim
Kâmiya: kültür

NAMEYÎ LACEKON U KENEKON Namêyî lacekon Namêyî Keynekon

1- Pîya 1- Hêvi
2- Varon 2- Çîla
Ma İtiya qey namêyî lacekon û keynekon verda. Ma wazênî şîma zi mar namêyon bişraw ma tîya de binusi.

TEŞEKKUR/SİPAŞÎ

Ma qey ina xebati Şihap Deştij Nihat Çir Yunus Boztimur T. Balande Sinan'î Dersim Z. Koşan û Fasilnox / Tasarımcı Gizem Ç. in umbazonir teşekkurl/sipasî kên.

SPOR

BÊPEREYÊ BELEDİYE BİNGOL SPOR SEBENA?



Emserr Beledîye Bîngolspor semêd bêperêyê ra Spor Toto lîga 3'in di zaf tengî dî menda. Beledîye Bîngolspor emserr destengî ra nêşkena kaykeranî xû biyar pîser. In heşt heftêyo hema jû/yo pûanê ay çîniw o. Beledîye Bîngolspor – 38 averaj a lîg id en bîn id mendî. Semonetê/semêd in mağlûbiyeton şarî Çewlig destekê xû ont/anî û hin çö nêşîn maçon Beledîye Bîngolspor. Beledîye Bîngolspor Heftê 9'yin dî Trabzon Akçaabat dir kay kênâ. Kûlûba Fûtbola Akçaabat lîg di pê 10 pûanon ra sirayê 11'in da. In kay /maç 27 tîşrîn vêrîn di, saat: 13:30 di Akçaabat'id kay beno.

BİNGOL ÇAPAKÇUR SPOR RA HÊVÎ MA ESTA

Kûlûbê Çapakçûr ra emser lîga bala Amator di grûba 2'in id kay kênâ. Emser Çapakçûr ra hîvî ma estû. Kûlûbê Çapakçûr pê kadroyeko weş emserr destpêkerd, lîg di rûej bi rûej weş kay kênâ. La taxim hama tam hedre z' nihesiben. Kûlûba Çapakçûr emser hîrî maç kay kerdî, in hîrî maçon ra hama yew maç qezenç kerdî. Lîgê xû di z' sirayê 9'yin da. Heftêyê 4'in bay vîyerna. Heftêyê 5'in di şîni Mûş ovasispor dir kay kênî. In maç/kay 27 tîşrîn vêrîn di, saat: 13:30 di Muş'id kay beno.

